



UNIVERSITÄTS-  
BIBLIOTHEK  
PADERBORN

**Io. Baptistæ Portæ Neapolitani Magiæ Naturalis Libri  
Viginti**

**Della Porta, Giambattista**

**Frankfurt, 1607**

Dolos quibus impostores naturaliter operantes eos à Magia prouenire  
mentiuntur. Cap. VIII.

---

[urn:nbn:de:hbz:466:1-70772](#)

*Lyra, quæ pulsata alteram eiusdem toni immotam moueat.*

Tendantur in vnum nerui, ut ad idem & perfectum perueniat unusquisque melos, si grauium unum pulsabis digitis, altera reboat & mouetur grauis in ea, sic acutarum, debita tamen approximatione, si id maxime non fuerit conspicuum, paleam supra inducito, & moueri videbis. Suetonius autem Tranquillus in libro ludicre historie, neruos ait in fidibus brumali die alios digitis pelli, alios sonare. Hinc quispiam poterit ignarus soni lyram accommodare, si æque tensa altera, & ad harmoniam ducta requiescat, alteram manibus intendendo, & relaxando, & pulsando quo usque quiescentis neruus mouetur, eiusdem toni signum: sic in cæteris. Si vero ut

*Lyra surdus audiat sonum*

vis, vel manibus aures abde rite, ne sonum audias, tunc capulum lyræ, vel citharae mordicus prehendito, pulser eam alter, & coccinum in cerebro dabit sonum, & fortasse suauorem. Nec solum capulum dentibus captans, sed longissimam hastam, quæ lyram tangat, & per eam clare auditur sonus, dicique poterit non auditus sensu, sed gustu perceptus. Remanet hoc, quod haudquam in amœnum reor, ut

*Lyra, cithara, aliave instrumenta vento pulsentur.*

Hoc sic perficies. Vbi vasta fuerit ventorum procella, è regione aduersantia accommodabis instrumenta, uti citharas, tibias, sambucas, fistulasve: adueniens enim ventus impetu ruit, leviter pulsat, & hiantes calamos percurrit, unde ex omnium sonitu, vicinis auribus, suauissimum percipies concentum, & lætaberis.

*Dolos quibus impostores naturaliter operantes eos à Magia prouenire mentiuntur. C. A. P. VIII.*

**N**VNC dolos, & imposturas aperiemus, quibus circuatores, & impostores se Nicromanticos simulant, bardos, nebulones, ac simplices mulierculas

Tt 3

decipiunt. Nos ad eorum scientiam pessundandam, & simplices admonendo, ne ab eiusmodi hominibus decipiatur, causas aperiemus: & primo

*Thesauros quo modo se reperire posse singant.*

Maior agyrtarum pars, quum pauperrimi omnino sint & miserabiles, thesauros reperire posse profitentur, aliosq; promittunt, quod ipsi non habent, vtunturq; quatuor virgulis bifurcatis, quarum summitates decussatim simul hæretes, & inferiores extremitates manibus apertis tenent, circa ilia accendentibus, carmina quedam obmurmurate singunt, & virgæ cadunt, & vbi cadunt, suffodere præcipiunt thesauros cupientibus. Causa est, quod si virgæ manibus firmatae videantur, nullib[us] tamen hærent, ac caducæ casum semper minantur, & si paululum à suo loco dimouentur, illico in terram prolabuntur. Sunt in brachijs, & manibus pulsus arteriarum, quæ etsi immobiles existimantur, inconspicue tamen manus mouent, tremoreque afficiunt. Sed sunt inter metallicos, qui surcatas has virgulas in venis intuviendis sibi maximo usui esse inquiunt: nam culto colurnam resecant, eamque præ cæteris ad venas quærendas idoneam esse censent, præsertim si corylus supra metallicam aliquam venam venerit. Sunt alij, qui pro varietate metallorum varijs arboribus vtuntur, etenim ex coryli ad venas argenti, fraxini ad æris, piceastris ad plumbi, maxime candidi, ferri, vel æris ad aurifacitis virgis vtuntr: deinde vtrinque virgulæ cornua manibus prehendentes pugnos faciunt, necesse est autem, vt digitii compressi ad cælum spectent, vtq; virgula erigatur ea parte, qua cornua coeunt, tūc huc, illuc passim per loca montuosa vagantur, atq; vbi supra venam pedem posuerint, statim virgulam versari, & volvi, sibi prodere venam, vbi pedem retulerint, & ab ea discesserint, rursum virgulam immobilem manere. Imo venarum vim dicunt esse tantam, vt interdum arborum prope venas crescentium ramos ad se flectat, vt copiosius apud Agricolam. Altera remanet ludicra subtilitas,

*Schedula*

*Schedula non tacta situm permutent.*

Quod illud penitus ignorantis fieri nō potest, quin mirabile videatur. Tres siant schedulæ longiusculæ è papyro, vel linteis, seque inutuo æquali superent magnitudine, nam capite imo æquatæ omnes, & æque reuelutæ, deuoluuntur, diuersiq; situs reperiuntur, longior in medio, vel primo loco ponatur, permutant locum, si longiore eadem in postremo fuerit loco, immobiles remanent, quod non erit, qui non putet à dæmonibus factum, sed aliunde non euenit, nisi quia in revolutionis fine, remanet procerior, & extrema, à qua exoritur, in reuoluendo remanet. Mihi videtur Aristotelem hoc intelligere voluisse in problematibus. Cur sectio papyri si quis æque à basi plana rectaque dimetiendo abscederit, recta reueluetur: sin autem inclinarit, contorta existet? An euenit, vt quum orbis secturæ alterius eodem in plano positi sint, declinans illa cæsura, nō æque opposita sit, sed partim minus: itaque quum euolueris, orbis quidem, qui plano eodem continentur, suumq; initium in plano habeant eodem, lineam explicabunt, quam suo ipsi conficiunt ordine, &c. Quorundam fuit error, qui verborum vi euenire putabant, ac de interrogatis omnibus, tanquam de oraculo responsa præbebant: nam si situm permutabant, rite auspicari, euentusq; propitiari, sin minus infortunari, nec voluere rationibus, & experientijs fidem permutare, quum multis annis id crediderint. Si vis

*Nunmus supra stylum se volvet.*

Sæpe vidimus impostores mulierculis imponendo eiusmodi artificio uti, vt schedulæ duas papyraceas, vel ex alia materia leues se è plano erigant, & ex seipsi moueantur. Si in hordeo inuestigaueris sylvestris auenæ aristulari reperię nigram, & obtortam, locustę pedibus similem, quam si cera cultri mucroni, aut stylo alligaueris, mollis aquæ aspergine disseminaueris guttulas, ubi humidū senserit, distorquebitur, vt lyrae nervus, &

Tt 4

554 MAGIÆ NATVR. LIBER XX.  
erigitur charta, nec minus nummus styli aëre volitabit,  
Si volumus

*Furtum cognoscere.*

Sic possumus, & subreptam illico rem recuperare. Varie sunt ad furtum superstitiones, quæ naturalibus rationibus constant, & nebulones verborum viribus adscribunt. Est lapis qui ætites dicitur, & veluti prægnans est nam quū quatitur Lapillus in utero sonat, si quis ergo terit eum, & subcineritio pane decoctum, & conditum furi offerat, fur mansum deuorare non potest, quin etiam cogitur aut suffocari, aut fur deprehendi, quippe cum eo decoctum glutire nequit, quod ex Diabolide habetur. Cuius naturalis causa est, quod puluis, qui ex eo conteritur, adeo siccus est, ut siccissimum panem efficiat, & pumicolum, & qui non nisi maximo conatu glutiri possit, quum in gutture fuerit. Accedit ad id, quod qui furtum inuenire querit, dicat astantibus, qui fures existimantur, rem miram facere, & maxime eam magnificare, ei enim, qui subripuit, timore, & perterfactione exiccatur guttus, & sitis inducitur, unde pulueratum panem glutire minime potest, nam hæret gutturi, qui alioqui sine timore existens, vix glutire possit. Est & aliud astus subtilissime excogitatus: nam argillaceis globulis eorum nomina, qui fures existimantur, schedulis conscripta conglutinant, & aquis mergunt, globuli madefacti, remollisque aperiuntur, & schedulae papyraceæ leues supra aquam ascendunt. Quæ res tantæ est admirationis, ut qui adstant non nisi dæmonum arte factum existiment. Conficiuntur pilulæ argillaceæ numero adstantium & descripta nomina in schedulis in pilulis obvolumuntur: nam schedulae, quæ minus curiose & diligenter creta obvolumuntur, humore referantur, & schedulas foras emittunt, nullis nexibus detentas. Si vero vis nunquam aperiantur, optime actam cum schedula remisces, & non aperitur. Si vis

*Flores ex arbore decidant.*

Quod

Quod quum primo vidissim, obstupui profecto, sed rogatus rem aperuit. Est verbasci proprietas quædam, qui quum mane flores aperit, si planta leuiter concutatur, paulatim flores siccescentes defluunt ad terram omnes, nec fuerit, qui id viderit, quin magicis præcaminiibus euenire credit, si quis decusserit inania quædam obmurmuret verba. Fit etiam

*vt fæmina vestes abijcant, & nudentur.*

Vt nil relinquam, quod à circulatoribus & negromanticis simulatur. Apponunt lucernam characteribus insculptam, leporino adipe plenā, & quibusdam obmurmuratis verbis quum eam incendunt, & medio mulierum ardet, constringit omnes, ut abiectis vestibus omnina viris sponte ostendant, que operta tegunt, vident, nec saltare desierint, usque donec ardeat lucerna, quod mihi à fide dignis narratum fuit: consideravi non nisi à leporino adipe effectus posse prouenire, cuius fortasse vis lætalis quædam cerebrum penetrans ad eiusmodi dementiam concitat. Simile à Massageticis fieri narratur ab Homero, esse arbores, quarum fructus si in ignem proijciantur, omnes qui igni proximiores fuerint, ebrios & stolidos euadere: nam illico è sedibus insiliunt, & choreis, & saltationibus indulgent. Sunt & fures qui

*Stylo pulli caput perforent, & viuum superstititem esse, dicere*

audeant, ac veneficijs fieri dicant, & ex hoc promittant hominem inuulnerabilem fieri posse, nam quibusdam characteribus dolo confictis sub alis alligatis, stylo caput galli perforant, & quum aliquanti per immoren- tur, extrahunt stylum, & pullus nullo recepto vulnera aufugit, ac sine sanguine permanet. Quod quum confiderasset, & caput pulli aperirem, reperi bifidum esse, & culter, vel stylus per ea loca pertransiens, cerebrum non oblaedit, quod mihi saepius experienti felicissime successit. Extat &

*Remedium ad ischiadem.*

T t 5

Maximus ille Cato, hominum summus in omni usu, omniumque bonarum artium magister, ex Plinij traditione, in suis de Agricultura libris quibusdam excantationibus ad ischiadū dolores vtitur. Inquiens: Luxum si quod est, vt excantes, hac cantione sanum fiet, harundinem prende tibi viridem, pedes quatuor aut quinque longam, medium diffinde, & duo homines teneant ad coxendices: incipe cantare in alio, S. F. motas veta dant, ferrum insuper iactato; vbi coierint, & altera alteram tetigerit, id manu prende dextra, sinistra præcide, ad luxum aut fracturam illiga, & sanum fiet. Vide hominem tam dignum, tamq; doctum, in quas insanias prorupit: nec multiplici sua doctrina cognouit, quod sine vi verborum suorum, virides harundines per longum scissæ ex se incurvantur, & coeunt, si pendula steterint, vt virgæ quoque salicis, & rubi faciunt. Ratios plantarum libris. Præterea apud Dioscoridem legitur harundinem cum aceto Ischiadibus applicatam, lumen sanare lumborum, quum & sine verbis, & superstitione operetur.

*De experimentis quibusdam lampadis.*  
C A P. IX.

**N**on parum gauifus sum, quum inter antiquos compicerim Anaxilaum philosophum ludere solitum ellychnijs, & præstigijs monstrifica hominum capita demonstrasse, si Plinianæ assertioni credendum, accipiendo equarum virus à coitu, nouisque lampadibus, & lycnis accensum, hominum capita equina vidimus, ideo nec experiri curauimus, quæ quia non crebunt, cape.

*Vt homines Æthiopes videantur.*  
Atramentū, sed melius è sepijs immissum, lucernis immisce, & attra lucet flamma. Id Anaxilaum fecisse fertur, sepe enim ex atramento sepij astantes Æthiopes reddebat.